



門中武
第308
卷1

鏗雲林龔先生

金陵萬卷樓周玉印刊

新編濟世全書



濟世全書序

問之世記曰神農使岐伯嘗草木之

味典醫療疾今經方本草素問諸書

出焉而濟萬世于無窮後世之著方

書者皆祖之然而未全也金谿龔雲

林蓋清世之國手哉不各名不利利

燮 悉 協 切音
和也 又 熱也
周書 燮 友 丞

個儻有奇節。遨遊於燕趙梁豫間。靈
蛤所投。隨試輒效。陰隲人無筭畧不
計其德。有古君子風。往來于予。予與
之相得甚懽也。促膝譚衷。夜分廼寐。
嘗謂之曰。古人有言。不得為良相。則
願為良醫。良相調燮宇宙。裨舉世常

無病。良醫亦調燮宇宙。裨舉世有病
而無病。今公之術。其圭力足以駐衰
曆。其實餌足以緩童齡。洵今世之國
手哉。先時所著書曰。古今醫鑑。曰。萬
病回春。曰。種杏仙方。曰。雲林神殼。曰。
魯府禁方。曰。壽世保元。凡六種業已

大行于世而弘濟無外。然滄海之遺珠不無也。于是彙輓近之新得總六書之大全別類標門條分縷析罔不全備。因顏其額曰濟世全書。此書一出則茅君不必受錦囊于王母。李少君不必得神樓于安期。周義山不必

過羨門乞長生要訣。而蘇耽之橘。董奉之杏。葛洪之肘。後方全收之矣。其博濟于億萬世。寧有窮耶。昔長桑君見扁鵲而竒之。曰我有藥方。年老欲傳于子。乃出懷中方。飲以上池之水。鵲如其言。從此視疾具見五臟之癥。

濟世全書序
結然則是書也。其長桑君懷中之方
乎。即與經方本艸素問諸書並傳不
朽可矣。

曙谷吳道南撰

濟世全書序
不佞少年時揮毫吊舌誦愛物濟人
之句不勝神往雅意學問期徼一命
之榮無如非其分也而意念則未已
矣昔人云士苟挾一策以推及物之
仁雖不仕于時猶仕也於是取父書

讀之旦莫不輟三年間盡得其要領
少試之鄉邑鄉邑賴之以為有父風
而予之意念猶未已也乃著醫鑑仙
方回春神穀禁方五書行於海內風
聲日籍籍起已而挾策北遊燕趙梁
豫之間有車轍馬跡焉行樂到處

轉胡八切關入走
車軸頭之鐵

王公大人倒屣投轄今倦遊矣耄
于家而名藩省郡聘召錯道然予
之意念猶未已也復搜討奇秘總五
書之大全披寸靈之獨得彙成一書
命曰壽世保元自謂生平精力殫于
此矣醫家綱目簪于此矣雖不獲顯

諸事業而家國天下庶幾或有補也
第其書不啻數萬言其值不下二三
金而四海爭購兩京為之紙貴則富
者得遂其求貧者苦於難獲則予之
意念終不能入人慊也其能自己乎
于是披歷心神昏夜不寐將前所出

六海遺珠擇其簡切精當凡人生之
所未有古來之所罕見奇異古怪之
疾寒暑虛實之症分門別類種種備
載不捨人殘唾不剗人方書悉不校
生平之履歷老父之商確每有所獲
則隨錄之積數十年然後神理湊合

隨試輒効不啻庖丁之牛飛衛之虱
矣海內得是書而讀之細心披閱以
病之症印予之書一一而投劑焉辟
之星火春冰未有不煥然欲釋者倘
可以濟世而醫經奧詣賴是全備焉
因名之曰濟世全書昔青牛道士能

延乘畫之命白鹿真人頓生已枯之
骨予何人斯敢以此自任哉然二子
以丹砂之神而展其濟世之功予將
借醫國之書而展其濟世之心故書
成而世世共濟予之願也即書成而
未必盡濟亦盡予之心也予少年時

怕懷博濟之轉念也縱有笑予之狂
 譏予之任者余何暇計焉然而予身
 意念終未已也姑植數杏于庭以俟
 予之後來者 肯

萬曆丙辰夏金谿龔廷賢自叙

雲林子傳

士之姦修于斯世品亦殊矣與其家修不若公
 之以普物與其以己見觀物不若証之以古始
 與其博洽之無當也又不若契之以先天酌之
 于方外此吾雲林子之著述平生以奉親之聲
 留意黃岐凡自素難以來所為龍宮肘後諸書
 無不句訓而言什者遍歷名山訪諸道侶三都

五岳之間無不捫蘿而躋陟者旌幣相迎徜徉
周魯凡簪裾袞舄之遊無不賓禮而投轄者生
隨其染邁而補泄之每試輒効輟轅所至駒
得前或為之授室以居懸壺而市更十餘載而
成寓焉無不為之卜隣而成聚者生因有懷璧
之懼為暴客所窺不敢索諸餽贈獨取經驗方
書而秘之久而彙成凡數十餘卷并其書而不

可索則授諸梓人梓以費重而不能全則刪其
過半金陵已行其半而復不廢其刪也次第鉅
之又四刻而書始全其初出者為古今醫鑑其
繼成者為種杏仙方其玉振者為萬病回春其
行于魯府者為魯府禁方雲林神鼓摠之凡
而其晚年所嗣成者又有壽世保元濟世全書
教子活人以續之中間師心出者十九與古參

者什一其酌五方之殊稟經百歲之盛衰診四
時之代謝則一疾而緩急異應一人而先後分
岐一方而損益互變其得心而應手者書也其
神與之符而奇正百出并其心而不自知者意
也生之技足以自取素封而生之意必欲以陰
功厚植為二人而錫類于是盲者羸者危者廣
施劑以療之而饑者困者又量力以濟之甚至

素不可移疑不可解而危橋衢路代有司以營
之亦有

魯藩千金之賜璧環備賑而不以為行色累則
刺船陳孺破產留侯有度越九家之外者寧獨
以工巧見哉書之始創由一二人之奇驗傳播
其方書之成由數十年之積累彙成充棟書之
刻由二三名公之簡閱分門析類書之分散由

齊世全書 傳 三

响峯後切音着
响峯山巔也韓
文响峯山尖

其他稟之各異隨入姿取而不拘讀其書者如
入鄧林而遊海藏舉世外之珍異畢集于前觀
其行者如尹旌陽而令响嶺舉人世之疲瘡悉
就扶植不佞自京邸而耳其名至川上而觀其
集集中之類各析為門而首輒冠之以論詳脉
息以加減之彙諸家之舊說而評其殿最即初
學者有冰鏡焉而久擅名家者亦名之以為殼

率故稱殼稱神而峯蹄具矣生年望八而其尊
人以善養之故醜顏方艾則書之為効其以登
堂見乎至于興祭饗先敦義濟後孝慈惠愛家
訓嘖嘖婉如范公之遺風相繼而起者乎此不
惟以培形氣而且以培功行不惟自淑而且以
淑世人夫亦執之進乎道者名家以其言而立
政其政中之岐伯乎

賜進士第中憲大夫

欽差整飭湖東等處兵備副使楚圻伽佗居士

袁世振抑之甫述



醫林狀元濟氏全書總目

乾集卷之一

宋許學士傷寒脈法總論歌

論絕脈

雜論

傷寒 挾內傷

中寒 附陰症

蠱毒

積熱

坎集卷之二

內傷

痰飲

診脈口訣

察視

中風

傷風

瘴氣

濕症

痼冷

傷食

咳嗽

哮喘

鬱症

喘證

痲疹

瘡疾

痢疾

泄瀉

霍亂

發沙

青筋

嘔吐

惡心

吞酸

欬逆

噯氣

吞酸

噯雜

良集卷之三

諸氣

痞滿

蟲證

水腫

積聚

五疳

疝氣

脚氣

痿躄

痺痛

消渴

濁證

夢遺

淋閉

遺尿

小便閉

大便閉

閉格

即鼓脹

白虎歷節

附霍膝風

附尿血

震集卷之四

大小便閉

痔漏

脫肛

諸虫

補益

老人

勞瘵

失血

吐血

衄血

咳血

咯血

嘔血

唾血

溺血

腸澼 即大便血

自汗盜汗

發熱

惡寒惡熱

厥症

虛煩

邪祟

中惡

五絕

巽集卷之五

眼目

頭痛

鬚髮

唇病

面病

耳病

鼻病

口病

舌病

牙齒

咽喉附非腮

聲啞

結核

癭瘤

肺癰肺痿

心漏

心痛即胃脘痛

腹痛

腰痛

脇痛

臂痛

肩背痛

離集卷之六

眩暈

麻木

瘧病

癩疾狂疾

五癩

健忘

怔忡驚悸

不寐

婦人科

調經

經閉

坤集卷之七

虛勞

崩漏

帶下

求嗣

妊娠

產育

產後

乳病

婦人雜症

小兒科

急驚

慢驚

疳疾

癖疾

諸熱

痰喘

吐瀉

痢疾

瘡疾

傷食

感冒

小兒初生雜病

胎黃

便閉

臍風

撮口

龜背

語遲

痘瘡

喉閉

蝕瘡

脫肛

眼病

頭瘡

疳氣

麻疹

女人出痘

孕婦出痘

允集卷之八

外科

癰疽

癩癧

疔瘡

便毒 即魚口

下疳

楊梅瘡

膿瘡

疥瘡

癬瘡

癩瘡

癩風

大麻風 即癘風

諸瘡

杖瘡

腋氣

折傷

破傷

湯火

蟲獸

中毒

金鎗

骨體

救荒

膏藥

通治

雜方

名公贈言

濟世全書總目畢



新刊醫林狀元濟世全書卷之一

乾集

太醫院吏目金谿雲林龔廷賢子才編著

男守國 女國 手錄

貴信府同知涪州灼無陳直 校正

臨川黃卷

偃師庠生史洞 盱都潘上炫

兩陽指揮王貴卿 同邑胡廷訓

大梁王有年 傳鍾奇

信陽吳至善 陶本宇

豫章萬稟初 劉思岐 全校

末信學士

金陵書坊萬卷樓存義堂玉印周文煥刊行

洪都龔龔章

宋許學士傷寒脈法總論歌

大浮數動滑陽脈陰病見陽生可得

○大脈者指下尋之極大舉之有餘內經曰大則病進丹溪曰大者洪之別名火之象也屬陽其病得之於內傷者陰虛為陽所乘故脈大當作虛治之其得病於外傷者邪客於經脈亦大當作邪勝治之合二者而觀之皆病症方長之勢也謂之病進不亦宜乎
○浮脈者陽也指下按而尋之不足舉之有餘狀如太過曰浮主傷寒病在表若雜病主臟中冷榮中有熱治宜生精補虛○數脈者陽也難經曰一呼三至一吸三至名曰數是一息之間脈動六至陽多陰少而有熱也脈訣云六數七極熱生多○動脈許學士言仲景論動脈則曰陽動寸為陽則汗出陰動尺為陰則發熱數脈見於關上

上下無頭尾如豆大厥厥動搖名曰動是動也仲景為陽脈脈動為陰脈二者不同何也此是開卷第十行疑處而世人不知講子謂脈訣所言分七表八裏而單言之也仲景所論兼眾脈而合言之也大抵雜病各見一脈惟傷寒必兼眾脈而見何以言之仲景之意若曰浮大者陽也兼之一動數滑之類安得不為陽故仲景以動為陽者此也云指下尋之似有舉之還無再尋之不離其處不住不來動而不移曰動主虛勞中血痢此舉一脈單言主病故為陰也是以傷寒雜病不可同日而論學者知之○仲景論滑脈之翕奄沉名曰滑沉為純陰翕為正陽陰陽一合故名曰滑古人論滑脈雖云往來前却流利展轉替替然與數相似曾謂仲景三語而足也翕張也言脈升而張也忽焉而沉言脈降而復也奄言奄忽之間脈來大而盛聚而沉謂之翕奄沉正如轉珠之狀也沉為臟氣故曰純陰翕為

脈氣故曰正陽滑者陰陽氣不為偏勝也。叔和脈訣三關如珠動按之即伏不進不退曰滑若陰病見此五陽脈則生。

沉瀆弦微弱屬陰陽病見陰終死脈。

○沉脈者陰也脈訣云指下尋之似有舉之全無緩度三關狀如爛綿曰沉一曰重按之乃得主病在裏。

○瀆脈者脈訣云指下尋之似有舉之全無又云如刀刮竹行又云細而遲往來難且散或一止復來曰瀆。

○微脈者脈訣云陰也指下尋之往來極微再再尋之若有若無曰微脈經云極細而數或欲絕一曰小也一曰手下快一曰浮而薄。

○弱脈者脈訣云陰也指下尋之如爛綿相似輕手乃得重手稍無快快不前曰弱脈經云極軟而沉細按之欲絕一曰指下按之乃得舉之無有。

○弦脈者脈訣云陽仲景為陰二者不同詳仲景論弦脈狀如弓弦按之不移弦為陰又云支飲急弦又云少陰症手足寒脈弦遲者人感沉細者陰也若兼之以瀆弦微則為陰脈陰病宜矣脈訣言弦脈為陽者云指下尋之不足舉之有餘狀若筆弦時時帶數曰弦為陽脈者此單言雜病自內而之外者仲景言弦脈為陰者兼沉瀆弱微則為陰脈陰病宜矣脈訣言弦脈為陽者云指下尋之不足舉之有餘狀若筆弦時時帶數此弦脈為陽者乃單言雜病自內而外之者仲景言弦脈為陰者兼沉細弱微自外而之內傷寒脈也故傷寒雜病不可同日而論仲景言若傷寒陽病如譫語妄言見此五陰脈多死陰陽交互最難明輕重斟酌量當辯白。

脈雖有陰陽須看輕重以公表裏在下文。輕手脈浮為在表表實浮而兼有力但浮無力表中虛自汗惡風常。

傷寒先要辨表裏虛實此四者為急仲景云汗為在表沉為在裏然表症有虛有實浮而有力者表實也宜用麻黃葛根紫蘇陳皮之屬以汗之以其症必無汗惡寒若浮而無力者表虛也必自汗惡風宜用桂枝芍藥或白朮防風甘草川芎之屬以和鮮之

重手脈沉為在裏裏實脈沉表亦實重手無力大而虛此是裏虛宜的裏症亦有虛實脈沉而有力者裏實也故腹滿大便不通沉而無力裏虛也或泄瀉或陰症之類

風則虛浮寒牢堅水停水瀆必沉潛動則為痛數為執支飲應須脈急弦太過之脈為可怪不及之脈亦如然

仲景云風則虛浮寒則牢堅沉潛水瀆支飲急弦痛則為痛數則熱煩太過可怪不及亦然邪不空見中必有汗

榮衛六盛名高章高章相搏名曰細榮衛微時名曰微卑微卑相搏名曰

彰榮衛既和名緩遲緩遲名曰沉此最良丸種之脈辨虛實長沙之訣妙難忘

仲景云寸口衛氣盛名曰高榮氣盛名曰章高章相搏名曰細衛氣弱名曰微榮氣弱名曰卑微卑相搏名曰損衛氣和名曰緩榮氣和名曰遲緩遲相搏名曰沉大抵仲景脈法論傷寒與雜病脈法異

營營有如羨上肥此脈定知陽氣衰榮榮來如蛛絲細却是體中陰氣衰脈如瀉漆之絕者病人亡血更何疑

仲景云脈營營如羨上肥者陽氣微也榮榮如蛛絲細者陰氣衰也脈綿綿如瀉漆之絕者亡血也陽氣衰也

陽結瀉瀉如車蓋陰結尋卒亦象之

仲景云瀉瀉如車蓋者陽結也累累如循竿者陰結也陽盛則促來一指陰盛則結緩而遲

此謂促結二脈也仲云脈來緩時一止名曰結脈來數時一止名曰促脈陰盛則結陽盛則促

縱橫逆順宜審察殘賊災恠要須知

仲景云脈有相乘有縱有橫有逆有順何謂也曰水行乘火金行乘木名曰縱火行乘水木行乘金名曰橫水行乘金火行乘木名曰逆金行乘水水行乘木名曰順又曰脈有殘賊何謂也曰脈有弦緊浮滑沉澹此六者名殘賊為諸賊作病也又問曰脈有災恠何謂也答曰舊時服藥今乃發作如先服木黃腹未瀉後服白木却見瀉故為

脈靜人病內虛故人安脈病曰行尸仲景云脈病人不病曰行尸以無主氣故眩仆不知入人病脈不病名曰內虛以無穀神雖困無苦

右手氣口當主氣主血人迎左其位氣口緊盛食必傷人迎緊盛

屈邪

左為人迎右為氣口人迎緊風傷榮氣口緊盛傷於食

數為在腑遲為臟浮為在表沉在裏浮緊兼澹寒傷榮脈浮而緩風傷衛脈微大忌令人吐欬下消防虛則細沉微氣弱汗為難二者要須

當審記

孫用和云陰虛脈沉微而氣弱者不可發汗這汗吐下三法脈其有不可行者切當審之

陽加於陰有汗症左手脈沉却應未

跌陽胃脈定死生太谿腎脈為根蒂

傷寒必診太谿跌陽者謂以腎脈胃脈為主

脈來六至或七至邪氣漸深須用意浮大盡加病屬陽沉細夜加分陰位九至已上來短促狀若涌泉無入氣更加懸絕漸無根命絕天真

當死矣

孫尚云脉及七至六至以上浮大晝加病沉細夜加病更加八至精氣弱神氣亂必有散脫精神之候須急為治療又加之九至十至以上須和扁亦難救如八至九至加以懸絕者無根也

病人三部脉調勻大小沉浮遲速類此是陰陽氣已和勿藥自然應訶

診脉口訣

察脉之法先須六部齊診看何部異於眾者便是此部有病然後每部另診方可得其精微無病之人左手弱右手強是血虛右手弱左手強是氣虛有病之人左手大右手小是外感右手大左手小是內傷如邪氣盛脉大醫而使之小正氣虛脉小醫而使之大者乃為効也

論絕脉

彈石之脉狀如硬蛇觸石辟辟而急腎氣絕也

解索之脉狀如繩索解股散於兩傍多見於尺精血竭也

雀啄狀如鷄雀頻啄止而復來多見於脾穀氣絕也

屋漏狀如水滴地上久復濺起胃氣絕也

蝦遊狀如蝦浮不動瞥去復來神魂絕也尺脉濡如木根鬚者死脉連連如蜘蛛絲者亦死

魚翔狀如遊魚高泛頭定尾搖命絕死也

釜沸一脈如羹上肥滿涌涌而浮此陰陽之氣絕也

所謂偃刀者如猶刀刃其與彈石類焉若代若牢亦為危脉代者動中

一止如更代之代牢似乎革經曰渾渾革至如湧泉謂出而不返也

又曰牢而搏如薏苡累累然者死牢之與革無以異也前所論覆溢

二脉自閉前進上出於魚際者謂之溢自閉後退入於尺澤者謂之

覆是皆陰陽不守離經無根必死之脉也凡篤病六脉濇刮按之無

力若能用藥挽得胃氣脉回三部和緩謹謁而來必有生意或一併

濇刮而胃氣之脉不回是雖息數猶存終不能保其諸篤症但見右

尺命脉和軟而大厥疾其有瘳乎

太過不及脉

心脉洪大心家熱

口燥心煩渴不飲

心脉微小主心虛

夢魂常在水邊歸

肝脉洪大不調血

行路昏暈常怕跌

肝脉微小四肢酸

背間常有汗漫漫

腎脉洪大主腰疼

咽乾舌苦口無涎

頭腦昏疼血氣結

脚板心內似火燒

心中驚悸流汗隨

頭腦昏沉多困倦

背痛項強疼左脇

手酸脚冷目赤紅

膽冷肝枯血氣寒

頭眩眼花雙足軟

背痛項強小腹膨

膀胱暑熱小便赤

腎脉微小下部虛

背間盜汗出無停

肺脉洪大心頭緊

口渴氣急時時併

肺脉微小肺家氣

咳嗽時時背上寒

脾脉洪大心膈脹

食後傷風精氣損

脾脉微小兩眉愁

無情無意迎良宵

命脉洪大心胸熱

食後傷風精氣別

耳內嘈嘈風雨聲

腦痛腰疼雙足腫

咳有風痰常壅盛

腰疼背痛脚又酸

悶悶憂愁口又乾

手寒腹內多虛弱

飲食不思常欲困

頭疼腦痛嘔頻頻

悶悶憂憂唇口焦

手足軟酸多氣急

潮渴三焦血氣結

四肢倦怠少精神

命脉微小號平和
口淡無味不調和

腎氣應教嘔逆多

手足冷寒脾胃冷

察視

黑氣起於耳目鼻上漸入於口者死白色亦然
 赤色見於耳目額上五日死
 循摸衣縫者死
 爪甲青者死爪甲肉黑者死
 舌捲卵縮者死
 唇反人中滿者死
 神氣不守聲嘶者死
 尸臭不可近者死

張口如魚出氣不反者死
 無熱妄語者死
 遺尿不知者死
 眉傾鬚豎目直視者死
 陰陽俱閉失音者死
 汗出不流者死
 回目直觀者死有息死

齒忽黑色者死

面赤目黃死面赤目白死

面青目黑面青目黃面青目白面青唇黑皆死
 面白日黑面白目白皆死
 面黑目白死面黑脇滿不能反側死面黑唇青死
 面黃目白面黃目青面黃目黑死已上九黑如煤白如枯骨赤如鮮血青如草女方為死候
 心絕肩息回轉目直視者一日死
 肺絕氣去不反口如魚三日死
 骨絕腰脊痛不可反側五日死
 脾絕口冷足腫脹泄十二日死
 腎絕大便赤澁下血耳乾脚浮舌腫者六日死
 筋絕魂驚虛恐手足爪甲青呼罵不休九日死
 腸絕髮直汗出不止不得屈伸者六日死
 肝絕恐懼伏卧目直面青八日死又即時死
 胃絕齒落目黃者七日死

凡病色見於面者黃赤為熱白為寒為脫血為積青黑者痛內經云肝
青肺白心赤腎黑脾黃若青如翠羽赤如雞冠黃如蟹腹白如豚脂
黑如烏羽此五色之見生也青如初生草莖黃如枳實黑如始煤赤
如衄血白如枯骨其色常變不同

雜論

濕熱相火病多土火病多
肥人血多濕多瘦人氣實熱多
熱傷血不能養筋故為拘攣
氣屬陽無寒之理
寒不得熱是無火也熱不得寒是無水也
肺癰非吐不可療
氣常有餘血常不足
白者肺氣弱血不足黑者腎氣餘
寒傷筋不能束骨故為痿弱
勞症忌涼藥此東垣之旨也
辛苦飢飽勞役疼痛皆傷血
辛苦飢飽勞役疼痛皆傷血

服藥藥力峻須酸收
身如被打濕傷血也亦有血虛而
氣血弱遠枳壳以其損氣
治病先調氣

指甲捲是血少不養傷筋
腑病責臟用臟病責腑用
氣血盛忌丁香以其益氣
病分氣血陰陽
夜增晝靜是陰血病而氣不病

晝增夜靜是陽氣病而血不病
夜靜日惡寒是陰上溢于陽
日夜並惡寒是陰部大盛兼有其陽當瀉其寒峻補其陽
夜靜日熱是陽盛於本部
日安夜燥煩是陽氣下溜于陰中當瀉其陽峻補其陰
日惡寒夜煩燥為陰陽交飲食不及必死
傷寒中暑與傷酒食一般
惡心有熱有痰有虛
人火正治龍火反治諸病有鬱治
陽絕則陰虧陰氣若盛陽之理

虛勞不受補者死

諸病能發熱風寒暑濕燥火七情皆能發熱
寒濕同性火燥同途非也寒宜溫之濕宜燥之火宜降之涼宜燥宜潤
諸病尋痰火痰火生異症
診脈觀形察症二者殊途不可執
諸病生觀胃氣

汗

脈沉微細弱不可汗沉細為在裏濡弱血氣虛
脈浮而緊法當身痛當以汗解假令尺脈遲者不可汗此血微也
陰病脈細沉數不可汗病在裏故也
傷寒風濕素傷於風復傷於熱四肢不收頭痛身熱常汗不解治在少陰厥陰不可汗汗出謔語內煩不得卧善驚目亂無精光

傷寒濕溫素傷於寒因中暈若兩脛冷腹滿頭自痛妄言治在足太陰不可汗
汗出必不能言耳聾不知痛所在身青面變死

傷寒頭形象中風常微汗出又自嘔者心懊懷發汗則痊
傷寒脈弦細頭痛如反熱此屬少陽不可汗

太陽與少陽并病頭項強痛或眩冒心下痞堅不可汗
少陰病欬而下利謔語者此強汗之故也

胸中閉塞不可汗汗之則吐血
厥不可汗汗之聲亂咽嘶
亡血家不可汗汗之則寒慄
衄不可汗汗之必額陷直視

瀉家不可汗汗之必便血
瘡家不可汗汗之則痊
汗家不可汗汗之必恍惚脈短者死

冬時發其汗必吐衄口瘡
下痢清穀不可汗汗之必脹滿
欬而小便利汗之則厥逆
諸逆發汗微者難愈劇者眩者死

動氣在不問左右上下一切不可汗
脈浮大可汗問病者設為虛不可汗也浮而緊可汗
太陽病脈浮弱可汗浮而數者亦可汗
陽明脈遲汗出多微惡寒表未解可汗
日晡發熱如瘧此屬陽明脈浮虛可汗
下利後身痛清便自調可汗

中風

脈宜浮遲不宜弦大急數
夫中風百病古今諸醫所見不同古人論中風風也河間論中風火也
東垣論中風氣也丹溪論中風濕也風火氣濕四者立說以賢論之
總之一虛而已何也良由素失調護或五味之有傷或七情之惑甚

或嗜慾之無節或勞役之過極以致臟腑虧損風邪乘虛入中者風
也陰精枯竭水衰火盛而昏冒者火也元陽耗散不任風寒故昏冒
者氣也氣血衰邁中氣不運而生濕也生痰濕痰壅盛而昏冒者濕
也以上四者而歸之一虛可謂明矣賢嘗考諸明醫論曰所謂外中
風邪者亦未必不由元精虛弱榮衛失調而後感之也所謂因火因
氣因濕亦未必絕無外邪侵侮而作也誠確論焉其為病也或為中
風舌強不語七言蹇澁或口眼喎斜半身不遂或手足拘攣筋骨麻
痛或頭目眩暈痰火熾盛或呵欠噴嚏面赤頭疼或僵仆不省人事
等症宜先用通關之藥俟有嚏隨進解毒丸或導痰湯或攝生飲對
症選用或有未至昏冒而不必用此三方者均宜服加味順氣散二
三劑故曰治風先理氣順則痰消徐理其風如聖散急則以治其
標也使外邪少疎人事稍醒其餘諸症然後從容調理宜王道之劑

以補虛爲主而兼去外邪每自早午晚服六味丸五論湯還真丹三藥兼而進之勿論病之輕重年之淺深輕則酌奏効重則久服收功治以滋腎水降心火扶真元補氣血以培其本祛風邪平肝木清痰火除濕熱以治其標對症加減慎毋執焉久而腎水上升心火下降真元漸復氣血漸充邪氣漸退肝木漸平痰火漸消濕熱漸除則中風諸病自潛瘳矣收功保後宜用延齡固本丹不惟以杜後患而且却病延年之聖藥也茲賢之管見乃素所經驗若此爲愈愧不能罄醫中之萬一耳後之學者須探本窮源當考諸內經之旨洞淵劉張朱李諸家之秘自可收萬全之功矣

中風惡候

口開者心氣絕
眼合者肝氣絕

遺尿者腎氣絕
鼻鼾者肺氣絕

手撒者脾氣絕

髮直吐沫 睛如直視 聲如鼾睡皆不治之症也及筋枯不治舉動則筋痛者是無血以滋養其筋故也 面赤如粧頭面青黑汗綴如珠不治之症也

凡初中時昏沈口噤不可進藥急以生半夏末吹入鼻中或用通關散搐鼻內即提起頭髮立甦有嚏可治無嚏不可治或急以手指摺刻人中即醒其或不醒者急以三稜針刺手十指甲角十井穴捋去黑血就以氣針刺合谷二穴人中一穴覺稍醒即多灌香油或加射香一二分或姜汁亦可

凡中氣亦似中風但風中多痰涎氣口中無涎又風中身溫氣中身冷此七情內傷氣逆爲病治當順氣散主之有熱者導痰湯主之或藿香正氣散皆可通關散 治中風痰厥昏迷卒倒不省人事欲絕者先用皂角細辛等分爲末每少許吹入鼻中有嚏可治隨用此法

皂角末五分半夏白礬各二分為細末作一服姜汁調服探吐後服解毒丸或導痰湯攝生飲之類

擦牙開關散

治中風不省人事牙關緊閉不能下藥

用烏梅肉和南星細辛末以中指蘸頻擦牙上自開

治中風痰厥不省人事用巴豆去壳搥油在紙上入射少許將紙捲作條入桐油內蘸過點着吹滅取烟薰鼻而省

○一方治中風不語牙皂七個蜜水同煎用鵝管吹入此須

○按右方治中風不省人事外治之法

雄黃解毒丸

治中風卒然倒仆牙關緊急不省人事并解上膈壅熱痰涎不利咽喉腫閉一應熱毒又能消食化氣兼治食積取積下熱

鬱金二錢半 雄黃二錢半 巴豆十四個 先將上一味末和一處同研極細再入巴豆同研用

好米醋煮麵糊為丸如粟豆大每服五七丸熱茶送下吐出痰涎

立甦未吐再服如牙關緊以刀尺斡開口灌下

一纏喉風急喉閉七丸研化以熱水研白梅肉調下或熱下熱則流

通之意纏喉風卒死而心頭猶熱者灌下即甦

一久瀉腹中有癖用沉香磨水送下

一諸積下痢煎五苓散送下

一瘰癧加斑猫十四箇去翅足糯米炒冷茶下

家秘牛黃丸 治驚風痰熱等症即雄黃解毒丸加牛黃一錢礪砂一

錢水糊為丸薄荷湯下

方治小兒急驚風痰涎上壅加膩粉一錢

一方治疔瘡加全蝎二錢 皂角二錢 射香少許 滴水為丸

豆大每二十九丸茶下

按右方治中風不省人事風痰壅熱者宜之

祛風導痰湯 治中風中氣痰火頭自昏沉痰氣迷悶上氣喘急口吐涎沫症類傷寒憎寒壯熱此因內傷七情以致痰迷心竅神志守人空空則痰自生也

南星 錢 半夏 一錢

陳皮 七分

白茯苓 去皮 黃連 姜汁炒 一錢

黃芩 錢 炒 白木 去毒 一錢

枳實 姜炒 一錢

瓜蒌仁 一錢 桔梗 去毒 七分

白附子 七分 防風 七分

人參 五分

甘草 二分

右對一劑生薑三片棗一枚水煎加竹瀝姜汁同服

按右方治中風中氣痰火昏迷不省人事者宜之

攝生飲 治一切卒中不論中風中寒中暑中濕及痰厥氣厥之類不省人事者初作只用此方

蒼木 錢 主

南木香 半錢

南星 濕紙煨 半夏 泡 一錢 半

細辛 錢

石菖蒲 錢

甘草 錢 生

生姜七片水煎服痰盛加全蝎一枚

按右方治一切卒中不省人事者宜之服後人事稍醒氣未盡順痰未盡消惟當以藿香正氣散加南星木香以甦痰氣調理最穩或服加味順氣散亦可 藿香正氣散方見霍亂

加味順氣散 治風先理氣氣順則痰消徐理其風庶可收効理氣者

氣滯氣鬱肩膊麻痛之類此七情也

人參

白木 油 芦

白茯苓 去皮 半夏 姜汁 炒

青皮 去穢

陳皮

川芎

白芷

枳壳 姜炒

桔梗

烏藥

細辛

防風

姜蚕 炒

乾姜

麻黃

甘草

右對生薑三片棗一枚水煎服

按右方治中風諸病并遍身手足疼痛麻木者宜之

五論湯 主方 治中風諸病之總司也

人參 五分 白朮 一錢去青炒 白茯苓 一錢去皮 當歸 酒洗 二錢 川芎 一錢

白芍 錢酒炒 生地黄 姜汁 半錢 熟地黄 姜汁 半錢 半夏 姜炒 一錢 南星 姜炒 一錢

防風 六分去青 羌活 六分 獨活 六分 天麻 一錢 黃連 姜炒 八分

黃芩 酒炒 八分 黃柏 酒炒 四分 甘草 炙 三分 陳皮 湯水洗去白 一分

對症加減于後 對症加減于後 對症加減于後

對症加減于後 對症加減于後 對症加減于後

風火氣濕虛 五論探玄微 一方皆可療 增損始為奇

中風左癱者坦也筋脉弛縱坦然而不舉也屬血虛與死血加秦羌桃

仁系花 中風右瘓者渙也血氣散漫渙然而不用也屬氣虛與濕痰加黃芪木

香烏藥 香烏藥

中風痰迷心竅舌強不能言加遠志石菖蒲枳實瓜蒌麥門冬

中風口眼喎斜加白芷姜蚕 中風痰涎熾盛加枳實瓜蒌

中風肢躄頑麻加烏藥姜蚕薄荷桂 中風筋骨疼痛加官桂乳香沒藥

中風頭目眩暈并頭痛加白芷蔓荆子藁本

中風手足拘挛加牙皂木香

中風或左足癱或右足瘓加牛膝木瓜薏苡仁

○按右方治中風諸病多服以愈為度

奪命還真丹 治中風半身不遂手足癱瘓口眼喎斜語言蹇澀一切

諸風痰火氣鬱濕熱疼痛驚癇之疾

當歸 酒洗 一兩 川芎 五錢 白芍 酒炒 一兩 熟地黄 二錢 生地黄 酒洗 五錢

人參 七錢 白朮 去青 七錢 陳皮 去白 五錢 白茯苓 去皮 兩 半夏 姜製 兩

枳壳 姜炒 一兩 桔梗 去青 一兩 木香 七錢 官桂 五錢 全蝎 去毒 五錢

天麻	七錢	防風	去毒	姜蚕	炒五錢	羌活	一兩	獨活	七錢
藁本	七錢	細辛	三錢	薄荷	一兩	菊花	五錢	知母	一兩
石羔	一兩	柴胡	一兩	黃芩	五錢	黃連	五錢	地骨皮	五錢
蔓荊子	五錢	兎絲子	酒製	小茴	酒炒	杜仲	酒炒	麻黃	一兩
蛤蚧	酥炙	甘草	一兩						

右三十七味為末煉蜜為丸如彈子大每服一丸細嚼茶酒任下

○如中風癱瘓癩疾茶酒下○如遍身骨節疼痛及心氣痛井不省人事熱醋下○如洗頭風及暗風茶清下○如驚癇口吐涎沫酒下

○如婦人胎前產後經脈不調酒煎香附湯下

○按右方以羌活愈風湯為本最能行道諸經滋養氣血使陰陽無偏勝又服木風悉去始終調理之良劑也

八味丸方見補益

治中風等症因房勞者名曰肉風房勞過度則危

精暴亡舌本欠柔言不利也精血虧即水竭而心火暴甚腎水虛衰不能制之則陰虛陽實而熱氣熾鬱心神昏冒筋骨不用而卒倒無所知也或一肢之偏枯或半身而不遂或口眼之喎斜或語言之蹇澀悉宜此方或湯或丸皆可

○按右方治中風諸病宜空心服六味丸已未時服五論湯夜臨臥服奪命還真丹每日早午晚三服無間任諸風百病可起沉而拔痼也凡中風百病照前諸方服之萬有不效者乃風之為病百端非數方所能盡也宜依後方對症選用

化風如聖散 一名刀圭散 治男婦小兒諸般風症左癱右瘓半身不遂口眼喎斜腰腿疼痛手足頑麻語言蹇澀行步艱難遍身瘙癢上攻頭目耳內蟬鳴痰涎不利皮膚瘙癢偏正頭風無問新久及破傷風角弓反張并蛇傷木咬金刀所傷出血不止敷貼立効久患痔瘡膿

醫世金書

血痛楚服之良驗

蒼朮米泔浸 草烏炮去皮 川烏炮去皮 何首烏米泔浸忌鐵器
 全蝎有燥 天麻二錢 姜蚕三錢 兩頭尖一錢 防風去苦
 荆芥二錢 白芷二錢 細辛二錢 藜本二錢 麻黃二錢
 當歸酒洗 川芎二錢 人參一錢 白茯苓半錢 石斛酒洗
 白花蛇五錢酒浸 羌活二錢 甘草半兩 共二十五味
 右為細末每服三分或五分漸加至六七分臨卧酒調下茶亦可
 服後忌多飲酒并一切熱物飲食一時恐動風氣服後覺麻是藥
 之効也

○按右方治中風諸病暫服之劑立可奏効
 分金酒 治中風左癱右瘓口眼喎斜及諸風疼痛麻木及手足出瘰
 水兌服前加味順氣散二三劑後進此分金酒

當歸	川芎	白芷	半夏	茯苓
蒼朮	細辛	防風	荆芥	姜蚕
天麻	川烏	草烏	麻黃	落陽花
白花蛇	各一兩			

右為粗末每藥二錢用燒酒一斤東二枚蜜五錢同入瓶內封固
 重湯煮注半香冷定取出每服一小鍾病在上食後服病在下空
 心服

○按右方治中風諸病通行經絡以利關節法風除濕養血化痰止痛
 除麻舒筋活骨之劑

防風通聖散 治中風一切風熱大便閉結小便赤澀頭面生瘡眼目
 赤痛或熱極生風舌強口禁或鼻生紫赤風刺癢疹而為肺風或成
 風厲而世呼為大風或腸風而為痔漏或腸疝而為諸熱識妄驚狂

世金書
卷之
並皆治之

防風

當歸

川芎

芍藥

大黃

芒硝

連翹

薄荷

麻黃

石膏

桔梗

黃芩

白朮

枝子

荆芥

滑石

甘草

生薑煎服

○按右方治中風百病大小便閉澀屬實熱有餘者宜之

搜風順氣丸 治腸胃積熱以致膈間痞悶大便結燥小便赤澀腸風

痔漏腰膝酸疼肢節頑麻手足癱瘓行步艱辛語言蹇澀三十六種

風七十二般氣無不治之

大黃

五兩酒浸

火麻仁

微炒去

郁李仁

去壳泡去

兔絲子

酒炒

山藥

酒蒸二

牛膝

去芦酒

獨活

一兩

枳殼

炒

山茱萸

酒蒸去

檳榔

二兩

車前子

三兩半

右為末煉蜜為丸梧子大每二十五丸茶酒任下百無忌早晚各

一服覺臟腑微動以羊肚肺養補之凡患腸風便血服之除根癰

瘕語澀服之平復酒後能進一服宿酒盡消中年以後之人過用

厚味酒肉多有瘵火且不能戒房往往致虛火動動則生風所謂

一水不能勝五火是也故以此方降火疎風為主不問年高氣弱

穉壯婦女並皆服之大効孕婦勿服

○按右方治中風百病不問虛實大小便閉澀者宜之

如程飲 治中風口眼喎斜神方

當歸

川芎

白朮

白芍

茯苓

陳皮

半夏

枳殼

白芷

桔梗

姜蚕

天麻

防風

荆芥

細辛

黃芩

烏藥

甘草

生薑煎服

參蘇飲 方見咳嗽 治痰積中腕眩暈嘔雜怔忡噦逆或痰停關節手

足難曳口眼喎斜半身不遂嘔吐惡心頭疼發熱狀似傷寒

治口眼喎斜 先用鱈魚血塗不斜處須臾口眼俱正即用熱水洗淨

却服五論湯一二劑即愈

治中風牽口面喎斜

取新硬石灰一合以酸醋炒調如泥喎斜向右即於左邊塗之向左

即於右邊塗之候方正如舊即須以水洗去大效

○按右方治中風口眼喎斜之劑

治中風瘖瘡不能言

大黃一兩 芒硝一兩 當歸一兩 甘草五錢

右剉一劑水煎服瀉下後用四物湯兩加姜蚕一兩作一服

丁婦人忽然不語半年矣諸藥不應兩尺浮數先用六味丸料加肉桂

數劑稍愈乃以地黃飲子三平餘劑而痊男子多有此症亦用此藥治之

地黃飲子 治腎虛弱舌瘡不能言足廢不能行

熟地黃 自製 巴戟 去心 山茱萸 去核 肉苁蓉 酒浸 石斛

大附子 炮去 五味子 白茯苓 去皮 石菖蒲 遠志 甘泉 水泡

桂心 麥門冬 去心 各等分

右剉每一兩入薄荷少許姜棗水煎服

清心散 治舌強不能言

青黛 一錢 冰片 三分 硼砂 二錢 牛黃 三分 薄荷葉 二錢

右為末先以蜜水洗舌上後以姜汁擦之將藥蜜水調稀搽舌本

上頻與之數日效

治中風不語痰迷心竅舌不能言

南星 兩
防風 五錢
烏末麵 為丸每五十九丸姜湯送下立効
治中風不語舌不能言

遠志甘草水泡不炙骨不拘多少為末雞清調敷天突咽喉前心
二處効

○按右方治中風不語瘡痲之類
神仙健步丸 治癱瘓

黃芪 鹽水炒 一兩半
人參 一兩
白朮 去蘆 二兩
扶神 一兩
當歸 一兩
白芍 鹽酒炒 二兩
生地黃 二兩
熟地黃 二兩
枸杞子 半兩
五味子 五錢
虎骨 酥炙 二兩
龜板 酥炙 一兩半
牛膝 二兩
杜仲 二兩
黃柏 乳炒 二兩
知母 二兩
麥門冬 二兩
遠志 甘草製 二兩
石菖蒲 二兩
酸棗仁 炒 一兩
沉香 五錢
木瓜 一兩
薏苡仁 一兩
羌活 一兩
獨活 一兩
防風 一兩
大附子 童便製 五錢

右為細末煉蜜為丸如梧子大每服百丸空心鹽湯溫酒任下
治癱瘓秘方

用牛骨髓一磅熟的蜜一斤煉熟二味濾過入炒麵一斤乾姜炒
為末三兩四味攪勻丸如彈子大一日服三四丸嚼酒下

洗癱瘓秘方
蛤蚧 一個
麻黃 四兩
川烏 二兩
草烏 二兩
透骨草 四兩
川椒 四兩
白花蛇 二錢
防風 四兩
紫花地丁 升
大鹽 四兩
艾一扎
槐枝 一條
用水二桶煎中太缸半埋在地入水溫
時坐上洗再用水二桶煎渣候冷時再入熱水或一日或一夜臨
出時用水澆頂心數次再用芥末稀貼患處紙絹裹熱坑上蒸汗
出為度忌早起飲食就臥內為妙

榮花散 治左癱右瘓

驚甲醋炙九次 鹿茸酥炙 乳香 沒藥 榮花樹根皮即夜合花根

右各為淨末二錢合一處再重羅過分為二服五更黃酒下一服五錢男子至重者二服出汗女人至重止用二服

獨神丹 治癱瘓

用淮安陳麪一塊將四面削去各一指厚止用中心打碎入砂鍋焙去濕氣為末用福建黑砂糖等分入石杵搗再用生姜汁熬熟添入內搗如泥如彈子大收磁器內細嚼病在上者晚上黃酒送下一丸病在下者牛膝煎酒送下一丸如全身有病早晚如引下治癱瘓手足牽拳或疼痛

外應膏 治癱瘓
川烏一斤為細末用隔年陳醋入砂鍋內慢火熬如醬色數患處如病一年一日即痒如病二年二百作痒令人將手拍痒處以不痒為

度先用升麻皮硝生薑煎水洗患處令淨然後敷藥不可見風
治手足拘攣不伸用牙皂一个木香等分水煎下服立効

○按右方治中風左癱右瘓之劑
治中風一身俱麻宜用

- | | | | | |
|----|----|-----|----|-------|
| 烏藥 | 陳皮 | 乾姜 | 枳壳 | 姜蚕 |
| 川芎 | 白芷 | 麻黃 | 桔梗 | 人參 |
| 白木 | 當歸 | 麥門冬 | 甘草 | 右剉水煎服 |

仙靈酒 治偏風手足不遂皮膚不仁
淫羊藿一片以生絹袋盛於不津器中用好酒浸之厚紙重重封固春夏二日秋冬五日後開罈隨量飲之常令醺醺不得大醉合時勿冷鷄犬見之治一切冷風勞氣補腰膝強心力丈夫絕陽不起女人絕陰無子老人昏耄健忘服之最良

治中風面自十指俱麻木乃氣虛也宜用

補中益氣湯加木香大附子羌活防風烏藥方見內傷

神仙粥 治風寒濕痺麻木不仁

大川烏頭生研為末每用白晚米半碗入藥末四錢慢火炊作稀粥不可稠下生姜自然汁二匙白蜜三匙攪勻空心溫啜之如是中濕更入薏苡仁末一錢煮服此粥大治手足四肢不隨及重病不能舉有此症預服防之左氏云風濕未疾謂四肢為四末也脾主四肢風邪客于肝則淫于脾脾為肝剋故疾在未穀氣風濕之藥徑入脾經故四肢得安

○按右方治中風麻木不仁之劑

治皮膚瘙癢

烏藥順氣散加蟬退薄荷

治皮膚燥痒 經曰諸痒為虛血不榮肌膚所以痒也當以滋補藥以

養陰血和肌潤痒自不作

治身虛痒 以物湯加黃芩調浮萍末一錢服

治皮膚風熱遍身生癩疹

牛旁子浮萍等分以薄荷湯調下二錢日一服治風氣客于皮膚瘙

苦參丸 治肺風皮膚瘙癢或生癩疹疥癬有人病遍身風熱細疹痒

痛不可任者連胸頸臍腹及近隱處皆然浸痰亦多夜不得睡

苦參一斤為末用皂莢去皮并子一斤以水一斗浸揉上盡汁瀝去渣熬成膏和丸如梧子大每服三十丸荆芥薄荷湯下惟酒下亦可

○按右方治諸風皮膚瘙癢之劑

治中風滿身刺痛

當歸 川芎 白芍 懷生地 防風

荆芥 蔓荆子 蟬退 麥門冬

治中風左癱右瘓遍身筋骨疼痛者

陳皮去白一錢 半夏姜炒一錢 白茯苓一錢 當歸酒洗一錢 川芎八分
赤芍一錢 蒼木酒浸炒一錢 白木二分一錢 烏藥一錢 枳壳一錢
桔梗八分手有 防風八分 羌活一錢 甘草五分 黃連酒炒一錢 黃芩酒炒一錢 白芷九分
身痛加姜黃一錢

右劉生薑五片水煎服○脚癱加防已牛膝威靈仙

○按右方治中風癱瘓疼痛者宜之
延齡固本丹

滋補之聖藥也治五勞七傷諸虛百損顏色衰朽形骸羸瘦中年陽

事不舉精神短少未至五旬鬚髮先白并左癱右瘓步履艱辛脚膝

酸痛小腹疝氣婦人下元虛冷久無孕育

兔絲子酒洗慢爛二兩 肉苁蓉酒洗四兩 甘枸杞子二兩 人參二兩
川巴戟酒浸去心二兩 懷山藥二兩 白茯苓去皮二兩 木香二錢
懷干膝去蘆酒洗二兩 栢子仁二兩 遠五味子二兩 覆盆子一兩
川杜仲去皮酒炒二兩 地骨皮一兩 老川椒一兩 懷生地黃二兩
山茱萸酒蒸去核二兩 車前子一兩 麥門冬水炮去心二兩
天門冬水炮去心二兩 澤瀉去毛一兩 遠志甘草水炮去心一兩
懷熟地黃酒蒸黑二兩 石菖蒲去毛一兩 虎脛骨酥炙二兩
右共為細末酒糊為丸如梧子大每百丸空心溫酒送下婦人加
當歸赤石脂各一兩去麥門冬木香

按右方治中風諸病收功保後之良劑也

傷寒

挾內傷論

夫傷寒者仲景而下著述紛然未有定論大率自霜降後至春分前感寒而即發從足太陽膀胱鬱熱以次而傳陰經或太陽不傳陽明胃少陽胆而即傳少陰腎或不由陽經而直入陰經或二陽二陽同受而為合病或太陽膀胱陽明胃先後受而為併病或太陽膀胱與少陰腎陽明胃與太陰脾少陽胆與厥陰肝陰陽俱受而為兩感之類此皆感而即病仲景立法所治之傷寒也其不即病而寒毒藏於肌膚之間至春變而為溫夏變而為暑或將發而復感暴寒此是不即發之溫病也暑熱病也若本無冬月所受之邪而春夏自感暴寒之類此皆後人通謂之四時傷寒也若只外感而無內傷者用仲景法其本因飲食勞倦所傷然氣虛邪襲每感寒而顯表症此乃所謂挾

內傷之傷寒也但傷寒挾內傷者十居八九經曰邪之所湊其氣必虛補中益氣湯從六經所見之症加減用之
補中益氣湯 治內傷挾外感者用此湯為主從六經所見之症加減用之

黃芪 蜜水

人參

白朮 去蘆炒 當歸

陳皮

柴胡

升麻

甘草 炙

右剉一劑生薑三片棗一枚水煎溫服

如見太陽症頭項痛腰脊強加羌活藁本桂枝 如陽明症身熱目痛鼻乾不得眠加葛根倍升麻 如少陽症胸脇痛耳聾加黃芩半夏川芎倍柴胡 如太陰症腹滿噎乾加枳實厚朴 如少陰症口燥舌乾而渴加生甘草桔梗 如厥陰則煩滿囊縮加川芎如變症發斑加葛根玄參倍升麻 內傷挾痰加半夏竹瀝仍

入姜汁傳送

傷寒

夏方

傷寒熱病宜洪大忌沉細

神授大乙散 治四時感冒時令不正之氣頭疼身痛發熱惡寒咳嗽喘急口乾作渴并傷寒夾食夾氣胸膈滿悶肚腹脹痛不問陰陽兩感時常發散皆可服之

紫蘇

陳皮

香附

川芎

白芷

乾葛

羌活

升麻

赤芍

枳壳

甘草

右劉作劑生薑二片葱白三根水煎熱服 冬月加麻黃無汗亦加之 頭疼加細辛石菖蒲白 胸膈膨悶加桔梗 心腹

加枳實半夏○潮熱加柴胡黃芩○咳嗽加桔梗桑白皮○痰喘加半夏瓜蒌仁○嘔逆加藿香砂仁○泄瀉加白木茯苓○腹痛加白芍煨○冷氣痛加玄胡索吳茱萸○大便秘澀加大黃芒硝○咽喉痛加桔梗牛蒡子

羌活中和湯 治春夏秋非時感冒暴寒頭疼發熱惡寒無汗春強脈浮緊此足太陽膀胱受邪是表症宜發散不與冬時正傷寒同治法此湯非獨治三時暴寒春可治瘟疫夏可治熱秋可治濕治雜病亦有神也可代麻黃桂枝湯大青龍湯各半湯乃太陽經神藥也又名神解散

蒼朮水泔淨 羌活 二錢 防風半 一錢 川芎 一錢 白芷 一錢
黃芩 一錢 生地黃 一錢 細辛 三分 甘草 三分

右劉生薑二片葱一枚葱白一握水煎發汗用熱服止汗用溫服

○胸中飽悶加枳壳桔梗去生地黄○夏月加石膏知母作湯亦加之
 如服此湯不出汗加蘇葉○喘而惡寒身熱加杏仁生地黄○汗
 後不解宜要服汗下兼行加大黃○其三時感冒非時暴寒亦有
 頭痛惡寒身熱脈浮緩自汗宜實表去蒼朮加白朮汗不止加黃
 芪即加減中和湯再不止以小柴胡湯加桂枝芍藥止止
 人參敗毒散 治傷寒頭痛壯熱惡寒及風痰咳嗽鼻塞聲重心經瀰
 熱口舌乾燥加黃芩如諸般瘡毒腫痛去人參加荆芥防風連翹金
 銀花名荆防敗毒散

- | | | | | |
|--------|----|----|----|----|
| 柴胡 | 桔梗 | 羌活 | 川芎 | 茯苓 |
| 枳壳 | 前胡 | 獨活 | 人參 | 甘草 |
| 生薑薄荷煎服 | | | | |

○按右方治傷寒初起頭痛發熱身痛或服前發表藥或有汗或無汗

未解宜服此解表裏之熱即愈

小柴胡湯 治肝胆症寒熱往來或日晡發熱或濕熱身熱默默不欲
 食或怒火口苦耳聾咳嗽發熱脇下作痛甚者轉側不便兩脇痞滿
 或咳嗽痰喘或泄瀉或吐酸食苦水或因怒而患瘧痢等症

- | | | | | |
|-----------------|-----------------|-------------|-----|----|
| 柴胡 | 黃芩 | 半夏 | 人參 | 甘草 |
| 姜棗煎服 | 煩燥加麥門冬淡竹葉 | 嘔吐加陳皮竹茹姜汁 | | |
| 左脇痛加青皮 | 右脇痛加姜黃 | 痰多加貝母瓜蒌 | 寒熱如 | |
| 瘧加官桂 | 口渴飲水加知母石膏天花粉 | 口乾不飲水加大 | | |
| 參麥門冬五味子 | 結胸痞滿加黃連枳實 | 咳嗽喘急加杏仁 | | |
| 桑白皮 | 胸膈痞滿加枳壳桔梗 | 發熱煩渴小便不利大便泄 | | |
| 加四苓散或因熱多者加炒黃連白芍 | 腹痛倍之 | 若腹痛惡寒 | | |
| 去黃芩加炒白芍官桂 | 若血虛發熱至夜尤甚加當歸川芎白 | | | |

譏語 陽症
陰症

芍生地若口燥舌乾津液不足去半夏加天花麥門五味○若內熱甚錯語心煩不得眠合黃連解毒湯○內熱甚惡熱煩渴飲水者去半夏合白虎湯

○按右方治傷寒用前發表之藥或有汗無汗未解宜服此治足少陽膽經受症耳聾脇痛寒熱嘔而口苦脈來弦數屬半表半裏宜和解此經胆無出入有三禁不可汗下利小便也

白虎湯 治傷寒大汗出後表症已解心煩渴欲飲及吐或下後七八日邪毒不解熱結在裏表裏俱熱時時惡風大渴舌上乾燥而煩渴飲水數升者二陽合病腹滿身重口燥面垢譏語發黃厥逆自汗和鮮兩感解頭痛止自汗或傷風自汗桂枝症表未解半入於裏中暑自汗脈虛弱雜病時疫煩渴發斑兼小兒痘瘡疹伏熱

石膏 四兩 知母 一兩 甘草 一兩 粳米 一合

右每劑五錢水一鍾煎六分去渣溫服無時候日進三四服或壯

或咳或嘔加半夏橘紅半兩生薑煎服

傷寒發汗未解脈浮者加蒼朮名蒼朮白虎湯

傷寒或汗或吐下後煩渴口乾舌燥脈洪大加入人參 半兩 白

虎湯

傷寒下後自汗虛熱不已加蒼朮人參一服通神汗止身涼此通仙

之妙也

傷寒汗下之後自汗虛熱不退不問有汗無汗加蒼朮解之又加入

參亦妙

正傷寒或濕熱病若胸脇之間見紅點者發斑加入人參名化斑湯或

再加玄參

此藥立夏後立秋前可服春時秋後并亡血虛家並不可服不惡

寒返惡熱大便不閉者亦可服

○按右方治傷寒發汗後大渴飲水者宜之

六一順氣湯 治傷寒熱邪傳裏大便堅實口燥咽乾怕熱譫語揭衣

狂妄揚手擲足班黃陽厥潮熱自汗胸腹滿硬達臍疼痛等症並皆

治之可化大小承氣調胃承氣三乙承氣大柴胡太陽胸等湯之神

藥也

黃芩 柴胡 芍藥 枳實 厚朴

大黃 芒硝 甘草

○如潮熱自汗譫語發渴揚手擲足揭衣狂妄班黃便實俱屬正陽明

腑病依本方○口燥咽乾大便實者屬少陰依本方○如下利純

清心下硬痛而渴者屬少陰依本方○如怕熱發渴譫妄手足乍

冷乍温大便實者陽厥症屬厥陰依本方○舌捲囊縮者難治須

急下之○若譫語發渴大便實達臍硬痛者有燥糞依本方○熱

病目不明謂神水已竭不能照物病已篤矣須急下依本方○如

結胸症心下硬痛手不可近燥渴譫語大便實者依本方去甘草

加桔梗甘遂○凡傷寒過經及老弱并血氣兩虛之人或婦人產

後有下症或有下後不解或有表症尚未除而裏症又急不得不

下者以此湯去芒硝下之

○按右方治傷寒熱傳于裏譫言妄語大便閉結者宜之

桃仁承氣湯 治熱邪傳裏熱畜膀胱其人如狂小水自利大便黑小

腹滿痛身自黃譫語燥渴為畜血症脉沉有力宜此下盡黑物則愈

未服前而血自下者為欲愈不必服

桃仁 桂枝 大黃 芒硝 甘草

桃仁 桂枝 大黃 芒硝 甘草

桃仁 桂枝 大黃 芒硝 甘草

桃仁 桂枝 大黃 芒硝 甘草

桃仁 桂枝 大黃 芒硝 甘草

桃仁 桂枝 大黃 芒硝 甘草

桃仁 桂枝 大黃 芒硝 甘草

桃仁 桂枝 大黃 芒硝 甘草

桃仁 桂枝 大黃 芒硝 甘草

桃仁 桂枝 大黃 芒硝 甘草

桃仁 桂枝 大黃 芒硝 甘草

桃仁 桂枝 大黃 芒硝 甘草

柴胡

青皮

枳實

芍藥

當歸

生姜煎服

○按右方治執邪傳裏其人如狂小便利大便黑小腹滿此畜血症宜黃連解毒湯治傷寒太熱不止煩躁口乾口渴喘滿陽厥極深畜熱內甚及汗吐下後寒涼諸藥不能退其執者○如腹滿嘔吐欲作瀉者加半夏厚朴茯苓各二錢生姜煎服

黃連

黃芩

黃柏

梔子炒各二錢

加柴胡

連翹各一錢剉劑水煎

○按右方治傷寒太熱不止反汗吐下後諸藥不能退其執者宜之九治傷寒前方治之暑而詳矣今又有簡易諸方不忍棄之姑備採用行軍散治傷寒

藥豆

麻黃各一升雄黃三錢共為末每服一錢重者二錢

無根水下走出汗愈

燒裙散

治女子病新瘥與男子交者名曰陰易其症則裡急瘳痛頭重不舉目中生花或頭面烘熱耳中蟬鳴胸中煩悶其者百節解散用男子舊裙襠着在左腹者煎取一塊燒灰每日三服白湯下男子病則與女人裙襠加不應用參附湯

治傷寒瘟疫頭疼發熱身痛無汗周少源驗

生姜

細茶

核桃仁去壳帶皮研爛白沙糖各三錢

右四味同入砂罐內水煎溫服被蓋出汗

○一方無白沙糖用葱白等分水煎服

治傷寒無汗或日久汗不出者

甜梨一箇生姜一塊同搗取汁再入童便一碗重湯煮熱服之即汗但有頭痛發熱或增寒身痛即表汗出而已

治傷寒不得汗出用樟樹白皮搗爛炒熟絹巾包浴渾身上下一時汗即出而愈

治傷寒多日不出汗

白蜜一小盞好黃酒一鍾同煎極熱服當時汗出

治傷寒結胸聲啞

白朮去壳搗爛入蜜調和重湯煮成塊頻服之茶下

治傷寒時氣熱極狂亂者及發熱不退

鷄子清簡 白蜜一大匙 芒硝三錢 凉水調服如心下不實者

北人謂之心慌是也加珍珠末五分同服

治傷寒熱極發狂不認親疎燥熱之極長垣成都憲方

能膽一分 研末凉水調服立已

治傷寒厥厥昏迷不省人事先以皂莢煨烟入鼻有嚏可治無則不治

肺氣上絕也可治者隨用

皂莢 半夏 白礬

右為末共一錢半入姜汁調服探吐痰去即甦

姜煎法 治傷寒胸膈不寬一切寒結熱結水結食結痞結痰結等症皆

木小結胸痞氣結者俱用

生姜搗爛如泥去汁取渣炒熱絹巾漸漸揉慰心胸脇下其痛

豁然自愈如姜渣冷再入姜汁再炒再熨熱結不用炒

治傷寒因食熱物補住結胸有痰有熱并咳嗽失音

黃連解毒湯加蘇子白芥子枳實栝樓杏仁烏梅瓜蒌仁石菖蒲

治傷寒四五日頭痛壯熱胸中煩痛口渴

苦參一兩 黃芩五錢 乾生地黃二兩 水煎服

治傷寒伏熱譫語溫病太熱狂言

白頭蛇蚶味鹹氣寒無毒取須塩水洗淨搗爛絞汁并水調下五
差小水不通亦搗汁飲蠱毒卒中須浸酒吞

治傷寒濕贖方

黃連 生薑各一 艾葉 八兩 苦參 四兩 水煎服

治熱病有贖上下食入

猪胆一枚苦酒一合同煎二兩沸滿日飲之虫立死即愈

甘露散 治傷寒時氣作熱發狂及解五毒治煩熱

寒水石 石羔各一 甘草 桑葉新汲水入姜汁調服

獨參湯 治傷寒汗下後不解或投藥錯誤致患人困重垂死昏沉或

陰陽二症不明七日後皆可服

好人參一兩剉片水二鍾煎至一鍾平溫服病人喜冷以新水沉

冷服之渣再煎服連進數服至喜尖上潤汗出是其應也此藥不

拘男婦傷寒時氣瘧症二七三七不解不知入事者並治

治傷寒頭眩發熱口乾屢服發表解肌之藥罔效而日晡發熱尤甚或

時日輕重此陰虛而火動也宜六味地黃丸 方見補益 依本方作

湯加酒炒黃柏知母服之立效

傷風

夫傷風乃四時之失序也或表風中在經絡中隨性流注以日傳變或

咳嗽粘痰鼻塞聲重增寒發熱頭疼面赤四肢逆冷怕寒或無汗惡

寒宜散有汗惡風解表而治受病亦有不同者且風為天地浩蕩之

氣四時八風之變未嘗無也

外感傷風鼻塞聲重左脉浮緩者是

昔芷香蘇散

川芎一錢 白芷一錢 薄荷八分 蘇葉八分 香附一錢

陳皮一錢 羌活一錢 甘草五分 加荆芥防風各七分各荆防

右剉一劑生薑三片葱白二根水煎熱服○有痰加半夏茯苓○

咳加杏仁桑白皮

清風百解散 治四時感冒頭疼發熱咳嗽鼻塞聲重喘急等症

蒼朮 荆芥 麻黃 白芷 陳皮

甘草 生薑葱白煎熱服

如咳嗽加烏梅全升麻葛根湯全服

三拗湯 治感冒風邪寒冷鼻塞聲重語音不出咳嗽痰涎胸膈短氣

喘急

甘草 麻黃 杏仁不去皮尖 生薑三片水煎熱服

加荆芥桔梗名五拗湯

發汗散 治傷風寒

生薑豆去皮 麻黃 八錢去節 二味為末每服壯者一錢半次者一

錢無根水調服出汗

追風散 治傷風感冒頭疼發熱

古石灰 菽豆粉 開陽花各等分開羊花一名落羊花即

山虎治 右為末每少許吹兩鼻孔一二次愈

○一治傷風寒後餘毒未散上攻頭頸鼻塞聲重怒氣上攻時常有血

從腦上落至口中或出紅痰此陽道未利作梗非血在病也

防風五分 川芎七分 辛夷五分 薄荷五分 羌活三分

獨活七分 升麻六分 葛根七分 白芷四分 葉本四分

黃芩酒炒八分 甘草生用四分

右剉一劑生薑三片水煎食遠溫服清陽道以通利關竅然後可

以養正也次服

人參養榮湯

人參 四分
 白朮 六分
 白茯苓 四分
 當歸 酒洗 四分
 川芎 四分
 白芍 七分
 熟地黃 六分
 麥門冬 法心 五分
 五味子 六粒
 黃柏 酒炒 三分
 遠志 四分
 陳皮 三分
 甘草
 劉一剛生薑棗子水煎溫服

中寒

附陰症

寒者嚴凝殺厲之氣也人以腎為根本惟腎則受寒惟寒則傷腎腎氣一虛寒邪交作急痛拘攣戰掉強且昏迷厥冷口噤失音此中寒也無汗惡寒頭疼面慘發熱拘急手足微冷此感寒也霍亂轉筋洞泄下利乾嘔吐逆積飲停痰此寒邪入腸胃也或為疝瘕或為脚氣痿痺

痺或為腰膝冷痛或為虛勞陰痿或小腹急痛此皆寒邪所為也惟腎氣不充疎於謹護非特霜凝冰泣之謂寒或者久天暑月當風取涼卧地受冷使寒邪之氣自皮膚而入達經絡自經絡而入臟腑然後諸病作焉治法中寒者宜溫中禦寒如五積散附子理中湯之類甚則宜葱熨法更灸氣海穴在臍下五分關元在臍下各灸五壯若其他所感變症甚多又當從各症閉類而治之

○如寒中太陰者則中脘疼痛也宜理中湯或藿香正氣散合理中湯同服寒甚脈微手足冷附子理中湯

○如寒中少陰者則臍腹疼痛以五積散加吳茱萸寒甚脈沉足手冷四逆湯加吳茱萸

○如寒中厥陰者則少腹小腹至陰疼痛宜當歸四逆湯加吳茱萸其者必倍用附子

五積散 治感冒寒邪頭疼身痛項強拘急惡寒嘔吐或腹痛又治傷寒發熱頭疼惡風無問內傷生冷胸膈脹滿外感風寒濕氣客於經絡腰脚酸疼及婦人難產經候不調或血滯不通並治

當歸 川芎 白芍 蒼朮 厚朴

白茯苓 半夏 白芷 枳壳 桔梗

乾姜 官桂 麻黃 陳皮 甘草

右劉生姜二片棗一枚水煎溫服○足浮腫加五加皮木伏皮○已成風痺加羌活獨活防風○腰痛加牛膝杜仲小茴○手足棄拳如槓柳木爪牛膝○咳嗽加桑白皮杏仁○遍身疼痛加乳香沒藥細辛○難產加射香交桂○四肢濕痺加烏藥順氣散○四逆湯 治寒中三陰手足厥冷小腹疼痛脉微欲絕四逆名者四肢逆冷也

大附子生去乾姜 甘草

當歸四逆湯 此厥陰經湯也治感寒手足厥冷少腹至陰疼脉細欲絕者

當歸 桂枝 白芍酒炒 細辛 大棗三枚

甘草炙 通草各二錢 右劉水煎服

理中湯 治五臟中寒口禁失音四肢強直兼治胃脘停痰冷氣刺痛及治臟毒下寒泄利腹脹大便或黃或白或毒黑或有清散

人參 白朮去蘆炒 乾姜炒 甘草炙各等 姜黃煎服

若為寒氣濕氣所干者加附子二兩各附子理中湯

若霍亂吐瀉加青皮陳皮名治中湯
若乾霍亂心腹作痛先以鹽湯頻服候吐出即進此藥
若嘔吐者於治中湯內加丁香半夏生姜十片

若泄瀉加橘皮茯苓名補中湯

若瀉泄不已於補中湯內加附子

若不喜飲食米谷不化加砂仁附子陳皮茯苓

若霍亂吐下心腹作痛手足厥冷去白朮加附子名四順湯

若傷寒結胸先以枳桔湯再不愈及諸吐利後胸痞欲絕心膈高起

若急痛手不可近者加枳實茯苓名枳實理中湯

若渴者再加枳實理中湯加天花粉○渴欲飲水加白朮

若霍亂轉筋理中湯加火燉石羔

若臍上築者腎氣動也去白朮加桂腎惡燥去白朮恐作奔豚故加

官桂○若悸多者加茯苓○若苦寒加乾姜○腹痛去白朮加附

子○飲酒過多及啖炙博熱食發為暈衄加川芎○傷胃吐血以

此藥能理中脘分利陰陽安定血脉只用本方○中附子毒者亦

用本方或止甘草乾姜等分煎服仍以黑豆煎湯解之

陰毒傷寒脉必沉伏宜以桂枝甘草乾姜附子辛甘之劑仍灸關元氣

海令陽氣復回若服前藥加之灼艾脉轉沉伏者死

正陽散 治陰毒傷寒面青心硬四肢冷

姜附甘草射香皂莢引入厥陰經也水煎熱服

秘方 治男子陰症傷寒因女色者唇黑甲青四肢冷陰縮入腹腹痛

不可忍者

大附子一枚要一兩重者炮入參二錢乾姜炮一 水煎熱服

藿香正氣散 方見霍亂

治陰症硫黃化開傾入井水內取出為末飯為丸如梧子大每服一錢

溫酒送下

治陰症腹痛陰縮 用朝腦二錢滾酒和服

傅明岐傳

黑豆酒 治陰症 黑豆不拘多少鍋內炒熟兼熱以好酒淨之就以
碗蓋勿令泄氣候溫飲酒大効

治陰毒傷手足逆冷脉息沉細頭疼腰重兼治陰毒欬逆等症

川烏頭 乾姜 各等分 為粗散炒令轉色放冷再搗為細末每
一錢水一盞鹽一撮煎取半盞溫服

回陽散 治陰症腹痛身冷

硫黃 四分 胡椒 六分 為末每二分燒酒調服

治陰症

用魚鱔一兩燒存性胡椒四十九個為末黃酒調下

○按右方皆治中寒陰症宜對症選用

固陽膏 治因女色成陰症

白礬 生三錢 黃丹 二錢 乾姜 五錢 母丁香 十個 胡椒 十五個

右為末用醋和得所以男左女右手握藥擦臍上被蓋出汗即愈
慰法 治三陰中寒一切虛冷厥逆嘔噦陰盛陽虛及陰毒傷寒四肢
厥冷臍腹痛咽喉咳嘔吐下利身背強自汗脉沉細唇青面黑諸虛
寒等症

葱 細切 麥麩 各三升 鹽 二升 同水和勻分作二次炒令極
熱用重絹包之乘熱熨臍上冷更易一包其葱包既冷再用水拌
濕炒焦依前用之至煤爛不用別取葱麩日夜不住熨之如大小
便不通用此亦可以行其勢

治陰症 將磚燒紅噴醋在上衣包入被中薰之或燒熟瓦噴醋紙包
熨胸背四肢已止皆取汗之法也

治陰症 小便縮入腹內用極肥母雞一隻用利刀將脊上急急劈破
用手扯開連毛帶屎合於病人臍上冷女人脚踈雞上須更執透

小便即出

治冷陰如神

一錢白礬八分丹

二分胡椒細細研

燂硝一分共四味

醋調和手內攤

男左女右合陰處

渾身是汗濕衣移

此方用者如神効

不義之人不身傳

治急冷陰外治法

乾姜一兩

牡礪一兩為細末以火酒調稠搽手上男子用雙手

揉外腎擦熱仍按外腎汗出即已女人以男子手擦藥急按兩乳

仍揉擦熱汗出則愈

治陰症極効方

芥菜子七錢乾姜三錢為末水調作一餅貼臍上手帕縛住上放

鹽以熨斗熨之數次汗出為度○又將病人小便拔陰毒狂止盡

灸陰頭處用艾灸七壯神効

灸陰毒腹痛脉欲絕者先以男左女右手足中指頭盡處各灸三壯又

灸臍下一寸五分名氣海穴二寸名關元穴各灸七壯極効

治寒陰症

胡椒 乾姜各二錢為細末唾津調塗自己手心綿紙蓋按

陰戶上側卧効

緊陰及大小便不通

小芥子半碗黃丹一撮臘醋燒滾調糊攤臍上紙蓋住如火熱不

妨以一炷香為度將藥去青布沾水凍之如忍痛不用水

按右方治陰症外治之法宜對症選用

瘟疫

瘧病發熱急脈反小

夫瘧病者衆人病一般乃天行時疫也治有三法宜補宜散宜降然瘧
疫者有二因治法當推歲運惟冬月之病非其時而有其氣者冬氣
當閉藏而反泄於外非其時矣其脈左寸浮大於右寸浮緩而按之
無力宜補帶表可也

凡入病家須避其邪氣不使染着爲上之亦醫人之惠不可不知也
以雄黃末塗鼻內○或以麻油塗鼻孔中後入病家則不相傳染
既出以紙捻探鼻深入令嚏之爲佳○常以鷄鳴時存心念四海
神名三七遍思崇皆除 東海神阿明 南海神祝融 西海神
巨乘 北海神禺強 每入病人室存心念三遍口勿誦

治四時瘧疫頭疼發熱衆人病一般者
黑砂糖一盞入真生薑汁二盞化開服之當時增寒壯熱汗出立

治感濕疫發腫

黑豆 合炒令香熟 甘草

右水煎時時呷之

治瘟疫百病皆是大熱之症不可妄用熱藥

禾耐蓋數年白者用雄黃爲末醋調搽上內外抹之膿乾每用童
便或鮮毒湯太涼藥將天靈蓋磨濃服之立効

○按右單方治瘟疫皆効

加減解毒散 主方 治天行瘟疫頭面腫盛咽喉不利舌乾口燥憎寒壯
熱持氣流傳

- | | | | | | |
|-----|----|-------|----|----|----|
| 防風 | 荆芥 | 羌活 | 獨活 | 柴胡 | 前胡 |
| 升麻 | 乾葛 | 赤芍 | 川芎 | 白芷 | 薄荷 |
| 牛蒡子 | 甘草 | 姜葱煎出汗 | | | |

醫世金書

○按右方治瘟疫發表敗毒之劑

牛旁苓連湯 治瘟疫腫項面上名大頭瘟又名猪頭風病從耳根下

此兼治啞瘡

黃連 麥汁炒 一錢半 黃芩 酒洗 二錢半 桔梗 一錢半 甘草 一錢 連翹 一錢

牛旁子 錢一 玄參 一錢 大黃 酒蒸 一錢 羌活 五分 荆芥 五分

防風 五分 石羔 一錢半

劑一劑姜煎食後頓頓溫服時時呷之每一劑作二十餘次服常令在上母冷飲食在後也

二聖救苦丸 治天行瘟疫傷寒頭面頸項腫大一切太熱之症

大黃 酒蒸 四牙皂 二兩 共為末稀糊為丸 每五七丸冷

茶五湯下 大為効

治時行腫項大頭瘰癧蟻瘰癧內府仙方

大黃 四兩 姜蛋 二兩 加蟬退 一錢 姜黃 一錢

右為細末姜汁打糊為丸每重一錢大人服一丸小兒服半丸蜜水調下

五仙丹 司寇黃倉嶽傳 治時行瘟疫頭項腫痛一切等症

大黃 五兩 剉碎用巴豆二十四粒槌去油用童便一鍾酒醋各一鍾 鹽五錢入巴豆霜在內攪勻入大黃內拌勻久蒸如墨乾苦

參五兩另為末和勻童便酒醋各水為丸如梧子大每服五丸

○按右方治瘟疫發表攻裏敗毒之劑

發汗散 治四時寒疫 蒼朮 四兩 麻黃 去節 二兩 甘草 炙 二兩 牙皂 四兩

右為末每服三錢水一盞煎一二沸不拘時和渣溫服

○按右方治四時寒疫流行可合以救濟貧民

治時疫熱病任言心燥結胸垂死徐達齋

苦參五錢劉散水煎溫服連進二三服有汗無汗皆瘥一久酒煎服亦可

辟穢丹

乳香

蒼朮

細辛

甘松

川芎

降真香

右為末烈火焚之辟邪

瘴氣

天下以東南地暖而西北地寒咸謂東南有瘴氣愚謂士大夫遊宦四方謂水土不服則可若兩廣山峻樹茂水惡地濕漚執申於天下所以有瘴病時作仕宦初到及商賈住此方多為濕熱所苦宜常預服

理脾却瘴湯 遊宦四方水土不服常用此方任兩廣尤宜多服

蒼朮

米泔浸鹽水炒

白朮

去油炒

白茯苓

去皮炒

陳皮

半夏

姜汁炒

黃連

姜汁炒

山梔仁

炒

前胡

七分

神麴

炒八分

山查肉

去核甘草五分

右剉一劑生姜三片水煎溫服不拘時一日一服或間日一服可免瘴病何也蒼朮白朮去濕二陳化痰本連清熱化毒查麴消食理脾百病自却矣更戒酒色慎起居為宜

養正驅邪丸 預製此丸途中可服

白朮

去油炒

蒼朮

米泔水浸炒

枳實

炒

橘紅

一兩

山查

去核

神麴

炒一兩

黃連

姜汁炒

黃芩

酒炒

山梔仁

炒五錢

右為細末淡姜湯煮米糊為丸每百丸白湯下

○已上二方乃辟瘴之劑可服于未病之先若既病之後宜以後方并

前瘟疫方對症選用

不換金正氣散 治四時傷寒瘟疫時氣及山嵐瘴氣寒熱往來嘔吐
吐瀉下痢赤白瘧疾寒熱或出遠方不伏水土並治之

蒼朮 米泔浸 陳皮 厚朴 去皮 薑香 半夏 姜炒
甘草

右劉美棗煎服

頭痛加川芎白芷

潮熱加柴胡黃芩

口燥心煩加柴胡乾葛

冷瀉不止加木香椰子肉豆叩

瘧疾加常山檳榔草菓

痢疾加黃連枳殼去甘草

感寒腹痛加薑黃官桂

嘔逆加丁香砂仁

氣塊加三稜枳殼檳榔小魚

熱極大便不通加大黃芒硝

腹脹加香附枳殼白豆叩

胸膈脹滿加枳實砂仁莪朮

咳嗽加桔梗杏仁五味子

喘急加麻黃蘇子桑白皮

身體疼痛加麻黃桂枝赤芍

寒症聲啞加桂

加味柴胡湯 治挾嵐瘴溪源蒸毒之氣其狀血乘上焦病欲來時令

入迷困其則發燥狂妄亦有啞不能言者皆由敗血瘀心涎毒聚於

脾經所致

柴胡 黃芩

半夏

人參

枳殼

大黃 甘草

右劉薑棗煎於心服啞瘖食後服

虫鹽主母

丹溪曰蠱之為毒中土少見之有百餘相傳多是閩廣深山之人端午之日以蜈蚣蛇蟻三物同器貯之聽其互相食候一物獨存者則為之蠱欲害其人密取其毒於酒食中啖之若中其毒者令人心腹絞痛如虫咬吐下血皆是爛肉若不即治食入五臟即死然以毒中入有緩有急急者數日便死緩者待以歲月氣力羸則食盡五臟而後死死則其毒流注傍人亦成蠱症大抵試蠱之法令人咳嗽水中沉者是浮者非也○又令嚼生黃豆不覺醒者蠱豆皮脫爛者蠱啗白礬味甘不澁者蠱○凡中蠱毒不論年月遠近煮雞卵去壳以小銀釵一隻挿其中并含入口飯頃取視釵卵俱黑者是○凡閩廣深山之人以蠱行毒於人者以敗鼓皮燒灰米飲服方寸七須臾自呼蠱家姓名令呼換將去其病自愈

千金錠子 鮮蠱毒兼治瘡氣百病百般瘡毒皆能奏効

文蛤 去內虫 三兩 山茨姑 二兩 紅芽大戟 一兩五錢 朱砂 二錢

雄黃 二錢 射香 二錢 另續隨子 一兩 另研 即千金子壓去油

右為末用糯米粥為丸搗千下印成錠子四十九個端午日令為妙每服半錠凉水磨服及搽患處上治一切藥毒蠱毒瘡瘻氣瘻疾及自縊溺死驚死未經宿心頭溫者磨水灌入即甦中風百病熱酒服小兒蜜水磨服

辟蠱用葶薺果俗名地栗須用江南所產大者切晒為末常隨身每以白湯調二錢七傳聞下蠱之家知有此物便不敢使其術矣治瘡毒用犀角尖羚羊角水磨濃服之

解蠱毒呪 凡入蠱毒人家總入先默念呪三遍或七遍 父為蛇蟠虫 毋為羅蛇女 眷屬七千人 吾盡識得汝

右入門 默通靈毒萬福之一服從左手宜工數屋椽一遍却低頭
如有茶酒食物來即左手潛入衣服拽取陰毛革於盤內私歸就
主如前默念呪三遍如有藥盤上自有虫物出來却得粘毛以擊
之方知本主自中

凡入有毒之鄉飲食內先以犀角攪試有毒即白涼辣起無沫即無毒

傷暑

潔古曰靜而得之為中暑動而得之為中熱中暑者陰症中熱者陽症
傷暑與傷寒俱有熱若誤作傷寒治之則不可蓋傷寒形熱傷氣傷寒
則外惡寒而脈浮緊傷暑則不惡寒而脈虛此為異耳經云脈盛身
寒得之傷寒脈虛身熱得之傷暑治宜小柴胡湯渴加知母石膏或
人參白虎湯天以淫雨濕令大行蒼朮白虎湯若元氣素弱而傷之

重者清暑益氣湯治之脈虛身熱得之傷暑

清暑益氣湯 主方治長夏濕熱蒸人人感之四肢困倦精神短少懶于
動作胸滿氣促肢節疼痛或氣高而喘身熱而煩心下膨悶小便赤
而數大便溏而頻或痢或渴不思飲食自汗身重

- 黃芪 蜜炒 蒼朮 泔浸 升麻 各一錢 人參 白朮 去油 蒸
- 神曲 炒 陳皮 葛根 澤瀉 各五分 當歸
- 麥門冬 去心 黃柏 酒炒 青皮 炙甘草 各三分 五味子 九個

作一劑水煎溫服

○按右方治暑傷元氣以致諸病四肢困倦者宜之
香菇散 治伏暑引飲口燥咽乾或吐或瀉加黃連名黃連香菇散

川厚朴 去皮 姜炒 白扁豆 微炒 香菇
劉一劑水煎服○若卒中昏冒倒仆角弓反張不省人事手足或

發搐搦此為暑風不可作風治之當以黃連香茹散加葱活服之自然愈矣

春澤湯 治伏暑發熱煩渴引飲小便不利兼治傷寒陰陽不分疑似之間最宜服之

猪苓 二兩 澤瀉 三錢 白朮 二錢 茯苓 二錢 肉桂 一錢 人參 一錢 柴胡 一錢 麥門冬 一錢半

右劉每服七錢燈心二十根煎服渴甚去桂加五味子黃連各二錢 ○此方去入參柴胡麥門冬即五苓散

小柴胡湯 方見傷寒 治伏暑發熱汗渴暑入心胞不語加茯苓 益元散 治中暑身熱小便不利此藥性涼除胃脘積熱解一切熱病

白滑石 水煨大 大粉草 微炒 一兩 共為末每服二錢加蜜少許熱湯冷水任下如欲發汗以葱白豆豉湯調下

右為末用生蜜搗為丸彈子大每服一丸涼水研化服尤妙

○按右方治中暑諸病宜對症選用 發熱惡寒身重昏痛小便澀洒然毛聳手足逆冷小有勞身即熱口開

前板齒燥脉弦細屋遲表裏中暈也用補中益氣湯加香茹扁豆有熱加黃芩 方見內傷

注夏屬陰虛元氣不足夏末秋初頭疼脚軟食少作倦作熱脉弦而大宜補中益氣湯去柴胡加炒柏如挾痰加南星半夏以陳皮佐之

或生脉散蓋補天真氣氣之不足爾 生脉散 生津止渴養元氣壯氣力

人參 麥門冬 去心 遼五味子 各等分

右劉水煎夏月時時代熱水飲之孫真人曰夏月必服五味子以補五臟氣東垣曰夏月服生脉散加黃芪甘草令人氣力湧出

泄瀉加白木微炒

千里水葫蘆 暑天長途含化丁丸津液頓生寒香滿腹

枇杷葉 臘梅花 百藥煎 烏梅肉 乾葛

甘草俱一兩黃臘五兩

右先溶蠟開投蜜一兩和藥末搗千下丸如雞頭實大每丸含化

征途望梅丸 祛暑熱解煩渴

川百藥煎三兩人參二錢 麥門冬去心 烏梅肉 白梅肉

乾葛 甘草各五錢

右為細末麵糊丸如雞頭實大每服丁丸含化夏月出行丁丸可

度一月

凡人夏月衝舟道途或於田野中務農作勞或肥白氣虛之人不能抵當暑熱忽然昏悶運仆其氣將絕如在日中即當移病者於陰處徐

徐以溫湯水灌之如未省急灸氣海穴以復其元氣醒後以大劑滋補之藥補之切不可灌凉水即死

小柴胡湯 人參白虎湯 蒼朮白虎湯俱見舊書

濕症

濕有自外入者有自內得者陰雨濕地皆從外入治宜汗散久則疎通滲泄之食生冷濕麵醃酪或飲酒其症腫滿皆自內而出也宜實中淡味滲泄利小便其脈沉而細其自下起以重腿脚氣者亦當汗散滲濕湯 治坐卧濕地或為雨露所襲身重脚弱關節疼痛發熱惡寒或多汗惡風或小便不利大便溏瀉

人參一錢 白木去油茸 白茯苓五分 白芍酒炒 乾姜炮
桂枝五分 大附子炮去皮三分 炙甘草五分 姜棗煎服

除濕羌活湯

治風濕相搏一身盡痛

蒼木

朱附 藥本各一錢 羌活七分

防風

升麻

柴胡各五分

右剉一劑水煎溫服

五積散

方見中寒

治寒濕客於經絡腰脚酸痛渾身麻木

四製柏木丸

滋陰降火開胃進食盡除周身之濕

川黃柏

去皮四斤剉成片○酥炙十三次一斤○乳泔浸十三次

無油蒼木

成片米泔浸切一斤○用川椒炒四兩○破故紙炒四兩

右去四味同炒之藥止用蒼木黃柏為末煉蜜為丸如梧子大每

服二十丸早酒下午茶下晚白湯下

薏苡仁粥

薏苡仁和米煮粥常食之去濕極効功勝諸藥

經驗白朮酒

治中濕遍身疼痛不能轉側及皮肉痛難堪者

白朮

去芦一兩細切一服無灰老酒一盞半煎至一盞溫服

積熱

積熱者熱毒蘊積於內也人有體氣素實一時感觸熱毒之氣或鬱積於臟腑之間令人口苦咽乾涎唾稠粘眼淚多泪口舌生瘡大小便秘結又有陰盛血衰三焦已燥服餌酒炙之物并丹石之藥愈助其熱結滯於內亦服令人變生諸熱須詳脉症若結於心膈者清之散之結於臟腑者蕩之滌之量體氣虛實輕重用藥治之

黃連解毒湯

治諸般積熱實火大効見傷寒

錢半散

治一切諸熱紅痢裏急後重臟毒下血糞前糞後酒毒腸熱

肚痛赤眼四肢煩熱及諸熱結核瘡毒

黃芩二兩

連翹一兩

梔子二兩

芒硝一兩

薄荷葉三兩

黃連二兩 一半生一半 大黃三兩 一半生一半 粉草

右為細末每服一錢半食後茶調下

三黃丸 治男婦三焦積熱上焦有熱攻冲眼目赤腫頭項腫痛口舌

生瘡中焦有熱心膈煩燥不煩美飲食下焦有熱小便赤澀大便閉

結五臟俱熱即生癰癤瘡癩及治五般痔疾糞門腫痛或下鮮血

黃連 黃芩 大黃各二兩

右為細末煉蜜為丸如梧子大每三十丸熱水下如臟腑壅實倍

加丸數小兒積熱亦宜服之

黃金丸 治積熱積痰并三焦五臟有餘之熱挾熱下利食否腸悶咽

痛眼目赤腫中暑中熱煩燥等症及發腫毒皆治

大黃 火煨 鬱金 牙皂 去筋膜各等分

右為細末煉蜜為丸梧子大每服三五丸量病輕重加減白湯

下大便少去一二次即止不傷元氣
雪膏一切積熱口舌生瘡心煩喉閉並治

芒硝 朴硝 硝石 馬牙硝 石羔

寒水石 青黛各等分 甘草煎湯二升

右將甘草湯入諸藥再煎用大柳棍不住手攪令硝溶入青黛等

項沙盆內候冷結凝成霜研為末每用少許含化嚥津下

秘方玄明粉方 治上焦邪熱咽喉腫痛牙痛傷寒誤補太潮太熱聲

啞不出胸膈作痛鼻衄吐血痰火壅盛癩狂譫語實熱之症

黃連解毒湯加連齋石羔澤瀉大黃枳殼薄荷赤芍玄參赤苓牡

丹皮桔梗防風荆芥各等分

右大合六劑水八碗煎七碗去渣入皮硝一斤先澄過入藥鍋內

煎至乾將乾時須慢火剝起入新砂鍋內用新燈盞一個蓋住入
水在內頂火煨乾水二盞為度取出放地上出火毒研末入甘
草五分每二錢茶清下

人中黃散 治癩瘡痘疹疔腫癰疽諸般惡毒及中砒毒菌毒傷寒發
狂並治

五月初四日預選甘草不拘多少為細末却用大竹一段兩頭留
節鑽一頭作小孔入甘草末在內其孔用木塞勿令泄氣至端午
日置糞缸中以磚墜竹至底四十九日取出長流水洗淨候乾燥
再研細收貯磁器內如遇豆疹見苗每服一錢淡沙糖湯調服及
諸般惡毒並用砂糖調服大能解毒効不可言

牛黃丸 治風熱積熱風墮頭積消食化氣導血大解壅滯
大黃 四兩 黑牽牛 四兩半 生姜炒 為末煉蜜為丸如梧子大每

十九茶下如要微動加十五九

痼冷

痼冷者腎痼久而冷者也痼久也冷者寒之甚也人之臟腑直受不同
亦或將理失宜遂致偏勝故方中痼冷積熱之說痼冷者中寒也其
病多由真陽虛弱胃氣不實復啖生冷冰雪水酪諸寒之物或坐卧
陰寒久濕之處日漸侵脫陽氣以致臟腑久痼而冷其為病也或于
足厥冷或腹中久痛清泄無度或腰腿重痛如坐水中或陰痿不舉
寒精自出或久嘔吐不進飲食或自汗戰慄或大臍洞泄或小便頻
數此皆痼冷之為病也治之當宜溫補腎元建養脾胃祛寒邪固真
氣使陽氣得復陰陽和平則無偏勝之患而痰斯愈矣

十補湯 治諸虛百損一身痼冷

人參

白木去青炒 白茯苓去皮 黃芪蜜炙 肉桂

當歸

酒洗 川芎 熟地黃 甘草炙 白芍酒炒

大附子

炮裂 薑燻 生姜棗煎服

三建湯

治真氣不足元陽久虛寒邪攻冲肢節煩疼腰背酸困自汗

厥冷木便滑泄小便白濁及中風痰潮不省人事傷寒陰症厥逆脉微皆耳服之

烏頭

大附子天雄已上俱炮去皮臍各三錢

右作

一服生薑十片水煎熱服

附子理中丸

治脾胃冷弱心腹疼痛嘔吐泄利霍亂轉筋體冷微汗

手足厥寒心下逆滿腹中雷鳴嘔噦不止飲食不進一切沉寒痼冷並皆治之

大附子

炮去皮 人參 乾姜 白木 甘草炙各等

右剉劑水煎溫服或為末煉蜜為丸如梧子大每服四五十九空心

姜湯送下

八味丸方見補益

治下元冷憊腰脚酸痛體重虛勞肉傷消渴痼冷等

症

大附子

治寒氣不足 元陽久虛 氣弱 痰飲 肺病 咳嗽 喘急 痰多 氣逆 胃弱 脾虛 泄瀉 遺精 白濁 及一切虛弱 不省人事 參合 氣血 虛弱 諸症 均有 效驗 勿失 此方 之 功

大附子

大附子 治寒氣不足 元陽久虛 氣弱 痰飲 肺病 咳嗽 喘急 痰多 氣逆 胃弱 脾虛 泄瀉 遺精 白濁 及一切虛弱 不省人事 參合 氣血 虛弱 諸症 均有 效驗 勿失 此方 之 功

古附子 治寒氣不足 元陽久虛 氣弱 痰飲 肺病 咳嗽 喘急 痰多 氣逆 胃弱 脾虛 泄瀉 遺精 白濁 及一切虛弱 不省人事 參合 氣血 虛弱 諸症 均有 效驗 勿失 此方 之 功

